



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Exempla, In Septem Capitalivm Vitiorm Detestationem,
Per Qvadragesimam, An. 1646. narrata**

Stengel, Georg

Ingolstadij, 1649

§. 6. Quam mala sit malè confessarij electio?

[urn:nbn:de:hbz:466:1-49161](https://nbn-resolving.org/urn:nbn:de:hbz:466:1-49161)

ciat, totum immundum reddit: ita si divitias
 auaritia attigerit omnes foetore suo corrumpit. hom. 72.
 in Ioan.
 Quod & Venus & Bacchus facit.

Fily hominum usquequo graui corde, ut quid **VI.**
 diligitis vanitatem, & queritis mendacium? Sen- **QVAM**
 titis conscientiae intemperiem, videtis vos **MALA SIT**
 agrotare, vultis sanari; & medicum peritum **MALI**
 fugitis? quæritis imperitum? Quis, vulnere **CONFES-**
 accepto, declinat chirurgum bonum, & illo **SARII**
 utitur, qui vngit tantum, nec sanat ex fun- **ELECTIO**
 damento? Socratis dictum est, aureus lectus
 non inuat agrotantem. Aureum vos dicitis
 habere confessarium, cur? quia tacet, quia
 vos finit versari in vsuris, furtis, odijs, libi-
 dinibus vestris. Non est aureus iste, sed vo-
 bis videtur fulgere. Fulgor vos decipit; non
 ducit, sed seducit. Ut Cyclops, vel cæcus ma-
 num porrigit, & ductum sequitur trahentis;
 sic vos Confessarius indoctus, aut ipse pec-
 catis excæcatus non in viam, sed in ruinam
 ducit. Cur cæcum eligitis? cæcus, si cæco duca- **Matth.**
 tum praestet, ambo in foveam cadunt. Quare, **15. 14.**
 non sine caussa, dixit Seruator: **Matth. 7.**
 attendite à **S. Leo**
 falsis Prophetis. Et, ut S. Leo scripsit: **serm. 51**
 magni **de Nat.**
 laboris est, magniq; discriminis, inter dubias im-
 peritorum opiniones, & verisimiles falsitates, per
 unam sanae doctrinae semitam, inoffensis gressibus
 E 5 ambu-

ambulare: & cum undiq; se laquei erroresq; opponant, omne periculum deceptionis euadere. Quid illis fiet, qui bonum ducem fugiunt, malum quærunt? Sinunt se isti à vanissimo quoque per deuia abduci, quid non facient, si habeant ipsum Confessarium erroris fautorem? Hæc sunt vestimenta ouium, mansuetudinis simulatio, & blandimenta verborum, ait S. Hilarius. Nam & Confessarij mali, per dulces sermones, & benedictiones seducunt corda innocentium quoque, quid in cordibus non efficient nocentium, & in scelere permanere cupientium? Nempe id, quod inepti medici, qui, dum ægroto omnia concedunt, ægrotum non sanant, sed necant. Quamquam longè peiore euentu id agunt medici spirituales. Corporum medici, sibi ipsis non obsunt, si malas præscribunt & nocituras agris medicinas. At animarum medici, si sunt imperiti, aut negligentes, & ægros suos perdunt, & se ipsos cum agris; cæcus, si cæco ducatum præstet, ambo in foveam cadunt, monomachis miseres. Nempe

Non habet euentus sordida præda bonos.

VII.
CONFIDENTIS
MALE, ET Hoc Nobili, hoc Confessario illius accidit. Quoties enim vsurarius ille redijt ad confessionem, toties, sine vlla restitutionis impo-